



## KENYATAAN MEDIA JABATAN ALAM SEKITAR

---

### LARANGAN PEMBAKARAN TERBUKA DAN PENCEGAHAN PENCEMARAN UDARA

1. **8 FEBRUARI 2022, PUTRAJAYA** – Jabatan Alam Sekitar (JAS) mengingatkan orang ramai supaya tidak melakukan pembakaran terbuka ketika cuaca yang panas dan kering melanda negara ketika ini. Malaysia kini sedang mengalami fasa kedua Monsun Timur Laut sehingga pertengahan bulan Mac 2022 yang mana dalam tempoh ini taburan hujan di seluruh negara akan mengalami pengurangan dan menyebabkan keadaan cuaca yang panas dan kering di Semenanjung Malaysia.
2. Sewaktu tempoh cuaca panas dan kering ini, dikhuatiri peningkatan kejadian pembakaran terbuka terutamanya di kawasan yang mudah dan sering terbakar seperti di kawasan tanah gambut dan tapak pelupusan sampah. Ini termasuk juga peningkatan kes dan aduan pembakaran terbuka di tapak-tapak pembuangan sampah haram, kawasan perumahan atau kejiranan.
3. Sehubungan itu, JAS ingin menggesa supaya kewujudan tapak-tapak pembuangan sampah haram dapat dibanteras dan JAS akan mengambil tindakan penguatkuasaan yang lebih tegas untuk menangani isu pembakaran terbuka serta pencemaran udara. Ini termasuk pembakaran terbuka yang dari tapak-tapak pelupusan haram di kawasan perumahan atau kejiranan yang merupakan antara punca yang boleh turut menyumbang kepada kemerosotan kualiti udara, keadaan jerebu setempat dan menjejaskan kesihatan awam.
4. Sehubungan itu, JAS ingin menggesa supaya kewujudan tapak-tapak pembuangan sampah haram dapat dibanteras oleh semua pihak yang bertanggungjawab. Pembakaran terbuka dari tapak-tapak pelupusan sampah, di kawasan perumahan atau kejiranan selain kebakaran tanah gambut dikenalpasti sebagai punca yang turut menyumbang kepada

kemerosotan kualiti udara, keadaan jerebu setempat dan menjejaskan kesihatan awam. JAS akan mengambil tindakan penguatkuasaan yang lebih tegas untuk menangani isu pembakaran terbuka yang menyebabkan pencemaran udara.

5. Semua pihak dilarang melakukan sebarang pembakaran terbuka termasuk di kawasan tanah gambut, tapak pelupusan sampah, tapak pembuangan sampah haram dan di mana-mana sahaja. Orang ramai juga tidak boleh membiarkan tanah atau premis kepunyaan mereka dimasuki atau dicerobohi oleh pihak-pihak yang tidak bertanggungjawab sehingga menyebabkan pembakaran terbuka untuk tujuan tertentu atau dengan tidak sengaja.
6. Jika disabitkan kesalahan, pesalah boleh didenda sehingga RM500,000 atau penjara maksimum 5 tahun atau kedua-duanya sekali boleh dikenakan di bawah Seksyen 29 (A), Akta Kualiti Alam Sekeliling 1974. Selain itu kompaun sehingga RM2,000 juga boleh dikenakan atas setiap kesalahan.
7. Orang ramai diminta bersama-sama meningkatkan usaha pencegahan pembakaran terbuka dan bekerjasama untuk memadam kebakaran-kebakaran kecil serta melaporkan kes-kes pembakaran terbuka atau kebakaran kepada Jabatan Bomba dan Penyelamat Malaysia (JBPM) di talian 999 dan JAS di talian bebas tol 1-800-88-2727 atau melalui e-Aduan JAS di laman sesawang <https://eaduan.doe.gov.my>.

**WAN ABDUL LATIFF BIN WAN JAFFAR**

Ketua Pengarah Alam Sekitar

Jabatan Alam Sekitar

Dikeluarkan pada 8 Februari 2022